

Skipulagsstofnun
Borgartúni 7b
105 Reykjavík

13. febrúar 2026
202601-0103/S.P.

Efni: Umsögn - Mat á umhverfisáhrifum – Matsáætlun - Vikurnám við Merkihol - Skipulagsstofnun.

Vísað er til erindis Skipulagsstofnunar er barst 29. janúar sl. þar sem óskað er umsagnar Náttúruverndarstofnunar á matsáætlun, - - Vikurnám við Merkihol - í Rangárþingi ytra. Í greinargerð kemur fram Rangárþing ytra hyggst meta áhrif af mögulegu vikurnámi á námusvæði sínu við Merkihol. Um er að ræða vikursléttu beggja vegna Landvegar á landssvæði milli Búrfells og Sauðafells í Þjórsárdal. Talið er mögulegt að vinna allt að 1.200.000 m³ á u.þ.b. 75 ha svæði, eða allt að 100.000 m³ af efni á ári. Reiknað er með að um 100.000 m³ séu eftir af vinnanlegu efni austan Landvegar og restin sé því öll vestan vegarins. Tilgangur umhverfismatsins er að afla upplýsinga um möguleg umhverfisáhrif framkvæmdarinnar.

Framkvæmdin er matsskyld samkvæmt lögum um mat á umhverfisáhrifum nr. 111/2021 en áætlað er að efnismagn verði meira en 500.000 m³ og er framkvæmdin því matsskyld skv. tl. 2.01 og 13.01 í fyrsta viðauka laganna. Þessi matsáætlun markar upphafið að matsferlinu. Í skýrslunni er gerð grein fyrir fyrirhugaðri framkvæmd, þeim valkostum sem koma til greina, umhverfisþáttum sem taldir eru að geta orðið fyrir áhrifum og hvernig framkvæmdaraðili hyggst standa að mati á umhverfisáhrifum.

Sandorpið hraun

Náttúruverndarstofnun vill benda á að samkvæmt vefsíðu Náttúrufræðistofnunar er umrætt efnistökusvæði á nútímahrauni, Búrfellshraun, sem nýtur verndar samkvæmt 61. gr. náttúruverndarlaga.

Samkvæmt ákvæðum 61. gr. náttúruverndarlaga nýtur hraun sérstakrar verndar en þar sem hraun er að öllu leyti sandorpið eða hulið jarðvegi og gróðri og ekki er lengur hægt að greina hvort um hraun sé að ræða og það hefur að öllu jöfnu tapað þeim einkennum sem mynda verndargildi þess sem jarðmyndunar eða „hraunvistgerðar“ þá nýtur það ekki sérstakrar verndar samkvæmt greininni. Ákvæðið útilokar þó ekki að aðrir eiginleikar, svo sem jarðsögulegir eiginleikar eða eiginleikar þess gróðurs sem vex á svæðinu, hafi sérstakt verndargildi.

Í 61. gr. laganna er kveðið á um sérstaka vernd þeirra vistkerfa og jarðminja sem taldar eru upp í 1. mgr. og 2. mgr. sama ákvæðis. Samkvæmt 3. mgr. ákvæðisins ber að forðast röskun þeirra náttúruyrirbæra, sem undir greinina falla, nema brýna nauðsyn beri til og ljóst að aðrir kostir séu ekki fyrir hendi. Í greinargerð með frumvarpi til laga um náttúruvernd er með orðalaginu „brýn nauðsyn“ lögð áhersla á að einungis mjög ríkir hagsmunir geti réttlætt röskun og þá fyrst og fremst brýnir almannahagsmunir.

Náttúruverndarstofnun leggur áherslu á að fjallað sé um náttúruþyrifirbærin í umhverfismatinu og það komi fram hvaða leiðir verði farnar til þess að forðast rask þeirra sbr. 61. gr. náttúruverndarlaga og hvaða valkostir séu skoðaðir. Náttúruverndarstofnun bendir á að ef tillagan gerir ráð fyrir röskun á náttúruþyrifirbærinum þurfi að rökstyðja þá ákvörðun, tilgreina hvaða brýnu almannahagsmunir réttlæti röskunina og gera grein fyrir öðrum kostum sem skoðaðir hafa verið sem mögulegir valkostir við útfærslu framkvæmdarinnar og ástæðum þess að þeir urðu ekki fyrir valinu.

Framkvæmd

Stofnunin bendir á að skylt er að afla framkvæmdaleyfis, eða eftir atvikum byggingarleyfis, vegna allra framkvæmda sem fela í sér röskun á svæðum sem njóta sérstakrar verndar, sbr. skipulagslög og lög um mannvirki. Á þetta að tryggja að tekið sé til ítarlegrar skoðunar hvort framangreint skilyrði sé uppfyllt. Við mat á leyfisumsókn ber að veita saman mikilvægi náttúruminjanna sem í húfi eru og hagsmuni af fyrirhugaðri framkvæmd. Við matið skal litið til verndarmarkmiða 2. og 3. gr. laga nr. 60/2013 um náttúruvernd, auk þess sem tekið skal mið af mikilvægi minjanna og sérstöðu í íslensku og alþjóðlegu samhengi, sbr. 3. og 4. mgr. 61. gr. laganna.

Ákveði leyfisveitandi að veita leyfi þrátt fyrir framangreint skal hann, með vísan í 5. mgr. 61. gr. náttúruverndarlaga, rökstyðja þá ákvörðun sérstaklega og gera grein fyrir öðrum kostum sem skoðaðir hafa verið sem mögulegir valkostir við útfærslu framkvæmdarinnar og ástæðum þess að þeir urðu ekki fyrir valinu. Einnig skal gera grein fyrir fyrirhuguðum mótvægisáðgerðum, sem og mögulegri endurheimt náttúruverðmæta þegar það á við. Þá skal afrit af útgefnu leyfi sent Náttúruverndarstofnun, sbr. 6. mgr. ákvæðisins.

Þess má einnig geta að leyfisveitanda er heimilt, skv. 5. mgr. 61. gr. náttúruverndarlaga, að binda leyfi þeim skilyrðum sem eru nauðsynleg til að draga úr áhrifum framkvæmdarinnar á þau náttúruþyrifbæri sem verða fyrir röskun.

Áhrifasvæði framkvæmdar, landslag og sjónrænir þættir

Náttúruverndarstofnun bendir einnig á að nærri efnistökusvæðinu er skilgreint svæði á náttúruminjaskrár sem aðrar náttúruminjar sem er Hekla. Að mati stofnunarinnar er brýnt að tillit sé tekið til þessa svæðis þegar áhrifasvæði framkvæmdar er metið og að gert verði ráð fyrir viðeigandi mótvægisáðgerðum til að takmarka áhrif á landslag og sjónræna þætti.

Náttúruverndarstofnun tekur undir mikilvægi þess að hugað sé að landmótun/endurgerð og frágangi á meðan vinnsla er í gangi og þegar vinnslutíma líkur.

Náttúruverndarstofnun bendir á að með landmótun er átt við frágang námusvæða sem felur í sér mótun raskaðra svæða á þann hátt að þau falli sem best að umhverfi sínu að efnistöku lokinni. Markmið landmótunar og viðeigandi uppgræðslu er að sýnileg ummerki efnistökkunnar verði eins lítil og kostur er og hverfi algerlega með tímanum þar sem vel tekst til.

Náttúruverndarstofnun bendir á að með endurgerð jarðmyndunar eða endurgerð lands felur í sér að land er mótað að nýju þar sem jarðmyndun hefur verið skert eða fjarlægð við efnistöku. Markmið landmótunar af þessu tagi er að fella efnistökusvæðið að nánasta umhverfi á þann hátt að það teljist eðlilegur hluti þess. Sá gróður sem fyrir var er látinn aðlaga sig eftir föngum að nýjum aðstæðum. Náttúruverndarstofnun leggur áherslu á að þessu atriði verði fylgt eftir með skýrri áætlun um mótvægisáðgerðir.

Landgræðslusvæði, skógræktarsvæði, vatnsverndarsvæði

Náttúruverndarstofnun bendir á að skv. vefsjá Náttúrufræðistofnunar virðist hluti fyrirhugaðs efnistökusvæðis liggja innan landsvæðis sem skilgreint er sem landgræðslusvæði.

Samkvæmt sömu vefsíðu virðist hluti efnistökusvæðisins einnig liggja nærri skilgreindu skógræktarsvæði og vatnsverndarsvæði.

Náttúruverndarstofnun telur mikilvægt að í matsáætlun og umhverfismatsskýrslu verði sérstaklega um þetta fjallað og mat lagt á viðeigandi mótvægisáðgerðir til að lágmarka möguleg umhverfisáhrif mögulegrar efnistöku t.d. vegna sandfoks.

Að öðru leyti gerir Náttúruverndarstofnun ekki athugasemdir við matsáætlunina.

Virðingarfyllt,

Skúli Þórðarson
verkefnastjóri
Axel Benediktsson
sérfræðingur



Skipulagsstofnun
Jón Smári Jónsson
Borgartún 7b
105 REYKJAVÍK

Garðabær, 23. febrúar 2026

Málsnúmer: 202601-0123

IAS

Efni: Vikurnám við Merkihol. Matsáætlun.

Vísað er til erindis Skipulagsstofnunar frá 26. janúar 2026 þar sem óskað er umsagnar Náttúrufræðistofnunar um matsáætlun fyrir vikurnám við Merkihol.

Umhverfismatið nær til efnistöku á fyrrverandi efnistökusvæði Merkiholnámu sem og á aðliggjandi svæði vestan við Landveg milli Þjórsár og Ytri-Rangár. Mögulegt er að vinna allt að 1.200.000 m³ á um það bil 75 ha svæði skv. yfirliti frá efnistökuáðila, eða allt að 100.000 m³ af efni á ári. Reiknað er með að um 100.000 m³ séu eftir af vinnanlegu efni austan Landvegar og restin er því öll að vestanverðu.

Áætlað er að raskað land vegna fyrri efnistöku sé um 120 ha en ætla má að um 75 ha muni raskast til viðbótar með áframhaldandi efnistöku.

Náttúrufræðistofnun Íslands hefur kynnt sér matsáætlunina og telur að í henni komi fram flest það sem nauðsynlegt er.

Náttúrufræðistofnun bendir þó á að stofnunin tilnefndi Ytri-Rangá B-hluta náttúruminjaskrár vegna ferskvatnsvistgerða og eru mörk svæðisins frá upptökum í Rangárbotnum til suðvesturs eftir árfarveginum og kvíslum henni tengdum að Höfðalæk norðan við Svínahögða. Eldra efnistökusvæði og hluti stækkunarinnar liggur að Ytri-Rangá og að mati Náttúrufræðistofnunar þarf að meta möguleg áhrif framkvæmdanna á ána og tryggja að a.m.k 100 jaðarsvæði meðfram ánni verði ekki raskað.

Um talsverðastækkun á efnistökusvæði er að ræða og ljóst að umhverfisáhrif af stækkuninni verða mikil. Mjög víðáttumikið svæði verður fyrir beinu og óafturkræfu raski. Ásýndaráhrif framkvæmdarinnar verða umtalsverð. Vissulega er um stækkun á núverandi efnistökusvæði að ræða sem er heppilegra en að opna nýtt efnistökusvæði annars staðar en umfang framkvæmdasvæðisins er mikið og með þessari stækkun er líklegt að landslag svæðisins muni verða fyrir töluverðum neikvæðum áhrifum. Huga þarf vandlega að því að meta umfang og eðli landslagsbreytinga og samfélagsleg áhrif af því.

Fram kemur að vinnslan fer þannig fram að fyrst er yfirborðslag rutt ofan af yfirborði með jarðýtu og þar fyrir neðan tekur við hreint vikurlag. Því verður mokað upp með hjólaskóflu á flutningabíl og ekið í burtu. Jarðveginum sem rutt er ofan af svæðinu er svo dreift yfir svæðið þegar efnistöku er lokið. Þótt gróðurlendi séu ekki metin með hátt verndargildi ætti engu að síður að ræða í umhverfismatskýrslunni mótvægisáðgerðir við því tapi á gróðurþekju sem verður s.s. landgræðslu.



Ef myndir frá Loftmyndum ehf (myndir frá 2019) eru skoðaðar sést að fyrra námusvæði er illa útlítandi og sá frágangur sem þar var viðhafður ekki til fyrirmyndar. Fjalla þarf betur um hvernig frágangi verður háttað, líka hvort vinnslan verði áfangaskipt og gengið endanlega frá eftir hvern áfanga, og hvort einhver landgræðsla sé fyrirhuguð. Þá þarf einnig að fjalla um frágang á eldra námusvæði.

Virðingarfyllst,

Ingvar Atli Sigurðsson
jarðfræðingur

Skipulagsstofnun
Borgartún 7b
105 Reykjavík

Hafnafjörður 18. febrúar 2026
Málsnúmer: 2026-01-0043

Umsögn vegna vikurnáms við Merkihol.

Vísað er til erindis Skipulagsstofnunnar dags 26. janúar 2026, þar sem óskað er eftir umsögn Hafnansóknastofnunnar vegna vikurnáms við Merkihol, málsnúmer 0091/2026 í Skipulagsgátt. Um er að ræða umsögn vegna matsáætlana fyrir framkvæmdir sem eru háðar mati á umhverfispáttum á grundvelli 21. gr. laga um umhverfismat framkvæmda og áætlana nr. 111/2021. Um er að ræða viðbót við núverandi efnistöku á svæðinu sem nemur meira en 500.000 m³ og er á svæði sem er stærra en 25 ha. Samkvæmt lögum um mat á umhverfisáhrifum fellur framkvæmdin því undir flokk A, þ.e. framkvæmd sem ávallt er háð umhverfismati, með vísan til töluliða tl. 2.01 og tl. 13.01 í 1. viðauka laganna.

Framkvæmdarsvæðið er staðsett innan tveggja grunnvatnshlota: Efri-Þjórsá (103-211-G) og Tungnárhraun (103-308-G). Áhrif á vatnsvernd og vatnalíf yrði einkum ef upp kæmu mengunarslys og hafa því eftirfarandi matsspurningar verið lagðar fram;

a) Hver eru möguleg áhrif á vatnsvernd og vatnalíf ef upp kemur mengunarslys?

Svar: Ef upp kæmi mengunarslys væri hætt á að grunnvatn mengist og vatnshlot gæti í kjölfarið fallið um gæðaflokk. Mengunarvaldur kann að renna í árfarveg Þjórsjáar sem gæti haft neikvæð áhrif á afkomu laxfiska í ánni, ásamt öðru vatnalífríki. Mikilvægir og verðmætir hagsmunir eru undir þar sem Þjórsá viðheldur einum stærsta laxastofni landsins.

b) Eru líkur á mengunarslysum við fyrirhugaða framkvæmd?

Svar: Í framkvæmdarlýsingu matsáætlunar er tekið fram á leitast verði leiða til að minnka líkur á mengunarslysum, meðal annars með því að olía og aðrir mengunarvaldar verði ekki geymdir á framkvæmdarsvæðinu. Óhjákvæmilega mun umferð um svæðið aukast samhliða framkvæmdunum og eru helstu hættur á mengunarslysum út frá vinnuvélum, s.s. olía og glussi. Sérstaka aðgát skal hafa með öllum vinnuvélum og tryggja skal að allur búnaður sé í lagi og engir mengunarvaldar berist frá þeim búnaði sem notaður verður við efnistöku.

c) Eru áhrif framkvæmdar þess eðlis að vatnshlot nái að uppfylla umhverfismarkmið sín?

Svar: Samkvæmt framkvæmdarlýsingu matsáætlunar er fátt sem bendir til þess að framkvæmdir skerði gæði vatnshlota innan framkvæmdarsvæðis, svo lengi sem að farið verði eftir tilmælum og engin mengunarslys eigi sér stað. Athygli er vakin á því að passa þarf að vikurnámið nái ekki niður í grunnvatn, en áætluð meðalþykkt vikurlags er 4,3 metrar og meðalþykkt yfirborðslags sem þarf að fjarlægja er 1,6 metrar, samtals má því búast við að ~6 metra lag verður fjarlægt. Verði farið eftir framkvæmdarlýsingu matáætlunar er ekkert til fyrirstöðu að vatnshlotin uppfylli áfram sett umhverfismarkmið.

Hafrannsóknastofnun vill ítreka mikilvægi þess að gæta að óþarfa rask verði ekki s.s. af umferð tækja og að mengandi efni berist ekki í vatn á svæðinu. Vakin er athygli á að helstu lög sem taka til framkvæmda í og við vatn eru skipulags- og byggingarlög (nr. 73, 1997), lög um lax- og silungsveiði (nr. 61, 2006) og lög um náttúruvernd (nr. 60, 2013).

Einnig er rétt að minnast á að í 33. gr. laga nr. 61/2006 um Lax- og silungsveiði með síðari breytingum segir m.a. svo: „Sérhver framkvæmd í eða við veiðivatn, allt að 100 metrum frá bakka, sem áhrif getur haft á fiskgengd þess, afkomu fiskstofna, aðstæður til veiði eða lífríki vatnsins að öðru leyti, er háð leyfi frá Fiskistofu.

Hafrannsóknastofnun telur að í matsáætlun sé almennt vel gerð grein fyrir áhrifum vegna fyrirhugaðs vikurnáms við Merkihvol á vatnsvernd og vatnalíf.

F.h. Hafrannsóknastofnunar

Sigurður Óskar

Sigurður Óskar Helgason



Austurvegur 65 - 800 Selfoss

Sími 480 8250 – Veffang www.hsl.is – Netfang hsl@hsl.is – Kennitala 480284-0549

Skipulagsstofnun

Borgartúni 7b
105 Reykjavík

Móttökunni

Selfossi, 23. febrúar 2026
2601110HS RS

Efni: Vikurnám við Merkihol - umsögn um kynningu matsáætlunar

Þann 26. janúar sl. móttók Heilbrigðiseftirlit Suðurlands erindi Skipulagsstofnunar í gegnum Skipulagsgáttina, þar sem óskað er eftir umsögn embættisins um kynningu matsáætlunar vegna fyrirhugaðs vikurnáms við Merkihol í sveitarfélaginu Rangárbíngi ytra.

Fyrirhugað efnistökusvæði nær yfir Merkiholssnámu og aðliggjandi svæði vestan við Landveg á milli Þjórsár og Ytri-Rangár. Talið er mögulegt að vinna allt að 1.200.000 m³ á um það bil 75 ha svæði. Gert er ráð fyrir að vinna allt að 100.000 m³ af efni á ári yfir 10-15 ára tímabil. Vikurinn verður fluttur á brott, unninn og seldur úr landi eða innanland. Í umhverfismati verða metin áhrif á umhverfisþættina jarðmyndanir, gróður og fuglalíf, landslag og sjónrænir þættir, vatnsvernd og vatnalíf, umferð, fók og hljóðvist, loftslag og fornminjar. Þá verður umfjöllun um áhrif verkþátta á framkvæmdatíma.

Heilbrigðiseftirlit Suðurlands hefur farið yfir ofangreinda kynningu matsáætlunar fyrir téða framkvæmd og gerir eftirfarandi athugasemd:

1. Í matsáætluninni er óljóst hvort fullvinna eigi efnið hér á landi eða flytja það til Þorlákshafnar þar sem því verður safnað saman áður en því verður skipað til útflutnings. Ef komið verður upp geymslusvæði í Þorlákshöfn verður að gera grein fyrir mögulegum áhrifum og mótvægisáðgerðum af slíkri geymslu þar sem um tengdar framkvæmdir er að ræða.

Embættið telur að öðru leyti að áætlunin geri nægjanlega grein fyrir eðli, umfangi og umhverfi framkvæmdarinnar, sem og þeim umhverfisþáttum og valkostum sem matið skal taka til. Þá gerir embættið ekki athugasemdir við hvernig til stendur að vinna úr gögnum til að meta umhverfisáhrif, né heldur fyrirhugaða framsetningu þeirra í umhverfismatskýrslu.



Heilbrigðiseftirlit Suðurlands veitir efnisnámi og vinnslu jarðefna starfsleyfi skv. lögum nr. 7/1998 um hollustuhætti og mengunarvarnir og reglugerð nr. 550/2018 um losun frá atvinnurekstri og mengunarvarnaeftirlit.

F.h. Heilbrigðiseftirlits Suðurlands,

Rán Sturlaugsdóttir
Rán Sturlaugsdóttir
heilbrigðisfulltrúi



Skipulagsstofnun

Borgartúni 7b

105 Reykjavík

Umsögn Vegagerðarinnar um matsáætlun vikurnáms við Merkihol í Rangárpingi ytra

Yðar tilvísun: 91/2026

Vegagerðin hefur fengið til umsagnar matsáætlun vegna fyrirhugaðs vikurnáms við Merkihol, dags. 26.01.2026. Umsögn þessi er unnin á grundvelli 20. gr. laga nr. 111/2021 um umhverfismat framkvæmda og áætlaða, með hliðsjón af hlutverki Vegagerðarinnar að stuðla að öruggum, sjálfbærum og greiðum samgöngum.

Samkvæmt matsáætlun er gert ráð fyrir allt að 1.200.000 m³ efnistöku á 10–12 ára tímabili. Áætluð umferð er um 12–13 vörubílar á dag, sex daga vikunnar. Flutningsleið liggur um Landveg að Hringvegi og áfram til Þorlákshafnar.

Umsögn Vegagerðarinnar

Í matsáætluninni kemur fram að nánar verði fjallað um umferð, áhrif á vegakerfi og mótvægisáðgerðir í umhverfismatsskýrslu. Vegagerðin tekur undir þær áherslur og telur mikilvægt að umfjöllunin taki meðal annars til eftirfarandi þátta:

- Skilgreindra flutningsleiða til og frá efnistökusvæðinu, þar á meðal leiða til Þorlákshöfn.
- Áhrifa þungaumferðar á slit og niðurbrot vegna yfir rekstartíma efnistökkunnar
- Mats á burðarþoli og mögulegum takmörkunum á flutningsleið
- Umferðaröryggis vegna aukinnar þungaumferðar og að umfjöllunin nái til samlegðaráhrifa með annarri efnistöku á svæðinu
- Skilgreindra mótvægisáðgerðar sem draga úr áhrifum framkvæmda og aukinni umferð.

Vegagerðin bendir einnig á það að kostnaður vegna áðgerða á vegakerfinu sem þarf að fara í vegna fyrirhugaðra framkvæmda er á höndum framkvæmdaraðila. Einnig fellur kostnaður sem verður vegna skemmda á vegum í tengslum við framkvæmdir á framkvæmdaraðila.

Vegagerðin bendir á að til viðbótar við samráð og leyfi vegna þunga og stórra flutninga þarf leyfi Vegagerðarinnar fyrir öllum tengingum við þjóðvegi sem og fyrir öllum framkvæmdum og mannvirkjum innan veghelgunarsvæðis.

Að öðru leyti gerir Vegagerðin ekki athugasemdir við matsáætlunina.

Virðingarfyllt

f.h. Vegagerðarinnar

Hólmfríður Bjarnadóttir

Mál nr. 0091/2026 í Skipulagsgátt

Vegna: Máls nr. 0091/2026, Vikurnám við Merkihol (Kynning matsáætlunar)

Athugasemd:

Fiskistofa bendir einungis á að mengunarvarna skuli gætt og að viðbragðsáætlun sé til staðar ef ske kynni að mengunarslys eigi sér stað í nágrenni við veiðivatn.

Höfundur: Hera Katrín Aradóttir

Sent inn þann: 28.01.2026 , **Fyrir hönd:** Fiskistofa

Jón Smári Jónsson - HMS

From: Uggi Ævarsson <uggi@minjastofnun.is>
Sent: þriðjudagur, 10. mars 2026 13:08
To: Jón Smári Jónsson - HMS
Subject: Náma við Merkihvól

Categories: Vistað í OneCRM; 202512062
One: -1

Sæll Jón Smári -

Þetta mál virðist hafa lent aftarlega á merinni. En ég sendi á Eflu með skipulagsfulltrúa í cc póst vegna málsins þann. 3.9. sl. Fékk meldingu um að Aron Geir hjá Eflu væri í frii. Hef ekkert heyrt um málið eftir það.

Pósturinn frá mér er eftirfarandi:

Þetta svæði hefur verið fornleifaskráð á aðalskráningarstigi að mestu, þ.e. fremur gróf skráning þar sem keppikeflið var að skrá heilu sveitarfélögin. Það er um 140 ha kafla nyrst austan Þjórsár, c. frá Tröllkonuhlaupi til norðurs c. 3 km sem er alveg óskráður, sjá minjavefsja MÍ (<https://minjastofnun.gis.is/mapview/?application=minjastofnun>) og hefur hakað við: Skráning og rannsóknir/Fornleifaskráningar og Minjar, viðbætur - Fornleifaskráning/vinnuskrá. Nýleg skráning er til vegna breytinga á Landvegi frá 2025 (Fornleifastofnun Íslands ses.) þar sem skráðar voru vörður og má vænta þeirra þarna áfram til suðurs. Ef stutt er á skyggðu svæðin á vefsíðunni þá sprettur upp gluggi þar sem fram kemur heiti skráningarskýrslu.

Sumsé, til að reyna að svara skýrt: Ef á að ráðast í stórfellt jarðrask á öllu svæðinu þá á eftir að að fornleifaskrá norðaustur-hluta svæðisins sem þú tilgreinir. Það væri einfaldast fyrir ykkur að fá sama aðila og skráði fyrir nefnda skýrslu um Landveg, Ragnheiði Gló Gylfadóttur, ragnheidur@fornleif.is, þar sem hún þekkir svæðið manna best: hefur skráð allan Þjórsárdal og auk þess stóran hluta Rangárþings ytra.

Bestu kv. Uggi

Með kveðju / Kind regards / Venlig hilsen

Uggi Ævarsson



Minjastofnun
Íslands

Minjavörður Suðurlands/Cultural Heritage Manager of Southern Iceland
Minjastofnun Íslands / The Cultural Heritage Agency of Iceland
Fjölheimar | Bankavegi | 800 Selfoss
Sími/Tel. +354 570 1316 / + 354 898 8852
uggi@minjastofnun.is / www.minjastofnun.is